

聚學軒叢書

聚學軒叢書第五集第八

南

起

帖

反

叩

齋

書晨至承未奉

尚未奉報

惠及淳熙秘閣續帖首卷殘拓王書千字文四十七行
卽刻付匠者裝於所裝淳熙帖未全足本之首而以
尊札并裝以當題跋弟於此帖數十年中於良友數人
零星投贈積存若干今又得

嘉惠謝不可言

編錄嘉興府內石刻之扁去冬已收到以天寒不能寫
所以未復今年月初作書交查親眷奉寄之時又昏昏
忘記不寫及累吾

兄又費多少心力此則實系衰憊可笑之狀歉甚矣愧
甚矣然現在春寒兩手冰冷敗絮襪襪仍未能寫須俟

天晴暖纔可並無有絲毫假意推托稽遲也趙帖目鈔
價前已寄及三銀餅今以贈鈔友其友又索拙字數
件彼此踴開不煩 我也吾

先生勤讀善悟每得

評帖之語實在欽佩如前

所講淳熙刻王右軍草書帖引明人二王帖語爲證足
見敏妙善悟之處非特朋輩罕儔亦且遠紹前哲

現作帖攷必定至精至博傾企多矣上海重摹米帖 弟

處除分貽遠道友之外存下一本已裝褱將來欲乞

大手卽以所評及諸語書於後星鳳樓帖 舍下 只有一

冊是舊帖將來亦當求

鑒涿州馮文安所藏米書三殘帖都系數百年前裝本
淳熙帖七八分中亦儘有宋佳拓將來

兄可攜到楓涇細細鈔錄并細細書後岳倦翁所藏原
不止米書所以有本朝能書人帖門之語寶真齋法書

贊

弟有精鈔本

郡友陳三兄藏本

弟年老如此儘可歸於

鄴架俟

看後以定可否楓涇在東硤石在西自

府上發權可先過敝里談話後

弟

只要不生病便可同

到蔣生沐兄處

弟

自去年秋冬以來眼頓然加瞶耳頓

然加聾記性頓加恍惚八十歲光景原無足異也小華

姪處亦時得佳帖并須買有舊人佳跋者皆可觀也

弟

年既篤老又爲田所累於清娛之物毫無所得唯買一
舊人所拓所裝昭陵陪葬墓碑十六種巨冊裝已零落
現招潢匠重標此則爲娛老一事

蘭川六兄先生

小弟張廷濟頓首

道光二十五年乙巳正月廿三日

嗣後 尊札來望書紀年年月 此等書信便可留
後

南邨帖攷目錄

卷一

保大帖

至道御書法帖

絳帖

卷二

賜書堂帖

元祐祕閣續法帖

太清樓帖

汝帖

蘭亭續帖

臨汝帖

汝越帖

古器物銘

慈恩雁塔唐賢題名

卷三

宋高宗御臨法帖

宋高宗刻米元章帖

朱高宗刻黃山谷帖

武陵帖

越州石氏博古堂帖

東坡先生帖

朱法帖

六一先生帖

北宋九朝御書法帖

清勤堂法帖

秀峯隱居法帖

觀風堂帖

星鳳樓帖

羣玉堂帖

卷四

黃文節公帖

二王帖

忠義堂帖

胡氏豫章法帖

山谷先生帖

曲江帖

集古錄跋尾

鳳墅帖

吉帖

博古堂帖

松桂堂帖

寶晉齋帖

經典法帖

名賢法帖

古帖

百一帖

樂善堂帖

澄心堂帖

青華閣帖

唐宋名人帖

南邨帖攷卷一

聚學軒叢書第五集

嘉善程文榮撰

貴池劉世珩校刊

保大帖

豎石爲碑橫石爲帖隋開皇年刻蘭亭詩敘爲橫石之

始

石渠隨筆 內府有開皇石本
後題開皇十八年三月廿日刻

後梁貞明閒亦刻

有帖今無攷其彙合各家字刻之卽今所謂類帖者要
必以南唐爲最先而諸家記南唐時帖有三曰昇元曰
澄清曰保大按昇元帖宋人書不載澄清堂帖至明嘉
隆閒始見今並入僞帖攷中惟保大帖則見於劉跂暇
日記跂徽宗時人其言又鑿鑿可据實爲法帖之祖吳
任臣十國春秋誤引褚伯秀昇元帖說爲馬傳慶言而

以昇元爲卽此帖殊謬

暇日記云馬傳慶說此帖本唐保大年摹上石題云保大七年倉曹參軍王文炳模勒校對無差國朝下江南得此帖淳化中太宗令將書館所有增作十卷爲版本而石本復以火斷缺人家時有收得一二卷

暇日記久佚此見陶

宗儀輟耕錄所引說
郭錄二十五條無此

按南唐有王文秉善篆書并能刻字歐陽修集古錄載其所書千文磬銘稱遠過徐鉉修子棐集古錄目有般若心經後題左千牛衛兵曹參軍王文秉刻字王厚之復齋碑錄載中興佛窟寺碑王文秉篆額方山寶華宮碑文秉篆額并鐫王栖霞碑紫陽觀碑並文秉刻字寶

刻類編祈仙觀碑亦文秉篆額并刻文炳當卽文秉疑
轉寫誤耳

集古錄曰復齋碑目兩書久
佚見陳思寶刻叢編所引

至道御書法帖

至道御書法帖玉海宋書錄並題十二卷弇州續藁作
十一卷必刻誤宋史淳化五年其明年改元至道弇州
謂太宗以淳化三年勒晉唐名蹟於棗木又二年而刻
此疑亦三字之誤玉海云刻石御書院宋書錄云刻於
清江學宮或御書刻之清江再刻也續稿云書辭多格
言六十一條每條下一勅字

[illegible]

絳帖

絳帖分前後十卷總爲二十卷歐陽公嘗取其數十帖散入集古錄中者凡三處並稱近時有尙書郎潘師旦者所刻石刻鋪敘云相傳駙馬潘正夫以閣帖增損翻刊閒摹淳化被旨歲月於卷末然不見跋尾無自稽攷洞天清祿集則作潘舜臣攷師旦史傳無名魏泰東軒筆錄言蘇子美謫居吳中欲游丹陽潘師旦深不欲其來宣言於人欲拒之子美作水調歌頭云云此正仁宗時事與歐公所稱當是一人正夫見宋史公主傳及建炎以來朝野雜記乃尙哲宗第三女

石刻鋪敘誤稱第四女

吳國

長公主卒于紹興二十二年後歐公之跋有八十餘年